

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია
საკანცელარიო საქონლის შესყიდვა
ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 მაისის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
2013 წელი

სატენდერო დოკუმენტაცია

სარჩევი

1. ინსტრუქტაჟი ელექტრონულ ტენდერში მონაწილეობის მისაღებად -----	3-4
2. საკვალიფიკაციო მოთხოვნები -----	5
3. ტექნიკური დავალება მიწოდების ვადები, ადგილი, სატენდერო წინადადების ფასის გაანგარიშება, ანგარიშსწორების პირობები -----	5-6
4. პრეტენდენტის მიერ წარმოსადგენი ტექნიკური დოკუმენტაცია -----	6
5. ნიმუშის წარმოდგენა -----	6
დანართი №1 ფასთა ცხრილის ფორმა -----	7-12
დანართი №2 სახელმწიფო შესყიდვის შესახებ ხელშეკრულების პროექტი -----	13-17
დანართი №3 - აფიდავიტი (საილუსტრაციო ფორმა) -----	18

1 ინსტრუქტაჟი ელექტრონულ ტენდერში მონაწილეობის მისაღებად

ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 5 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,

ბ) თუ პრეტენდენტი შეეყვანილია მიმწოდებელთა შავ სიაში შესაბამისი შესყიდვის განხორციელების შედეგად

გ) პრეტენდენტი იქნა დისკვალიფიცირებული შემდეგი მიზეზების გამო: წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო დოკუმენტაციით გათვალისწინებულ მოთხოვნებს, წარმოდგენილი საკვალიფიკაციო მონაცემების დამადასტურებელი დოკუმენტები წარმოდგენილია დადგენილი წესების დარღვევით, პრეტენდენტმა უარი განაცხადა ხელშეკრულების დადებაზე, ხელშეკრულების დადების უფლების მოსაპოვებლად პრეტენდენტმა ჩაიდინა არაკეთილსინდისიერი ქმედება.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციის ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში. თუ პრეტენდენტი დღგ-ს გადამხდელია სატენდერო წინადადების ფასი უნდა მიეთითოს სისტემაში დღგ-ს ჩათვლით.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლესადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლესადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლესადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ასეთ პრეტენდენტს განუსაზღვრავს სამ დღიან ვადას შეუსაბამობის გასწორებისთვის. დაუშვებელია სატენდერო წინადადების ისეთი დაზუსტება რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში ხდება პრეტენდენტის დისკვალიფიკაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას წარმოადგინოს საკვალიფიკაციო მონაცემების დამადასტურებელი დოკუმენტები. მიმწოდებლის ვალდებულებები საკვალიფიკაციო მოთხოვნების დამადასტურებელი დოკუმენტაციასთან და მათ წარმოადგენასთან დაკავშირებით მითითებულია სატენდერო დოკუმენტაციაში.

პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოადგენლობის ან/და ხარვეზის მქონე მონაცემების წარმოდგენის შემთხვევაში, ხდება მიმწოდებლის დისკვალიფიკაცია. ასეთ შემთხვევაში, შემსყიდველი ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, წარმოადგინოს საკვალიფიკაციო მონაცემების დამადასტურებელი დოკუმენტები, თუ მისი ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში ასახულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება დისკვალიფიცირებული პრეტენდენტის ფასს ან/და ამ შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

იმ შემთხვევაში, თუ ყველაზე დაბალი ფასის მქონე პრეტენდენტი ყველა შემოთხსენებულ ეტაპს წარმატებით გაივლის. ამ პრეტენდენტის მიერ საკვალიფიკაციო მონაცემების წარმოდგენიდან 5 დღის ვადაში შემსყიდველი ორგანიზაცია მასთან დებს სახელმწიფო შესყიდვის შესახებ ხელშეკრულებას.

2. საკვალიფიკაციო მონაცემების დამადასტურებელი დოკუმენტები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიიდან.
- ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიიდან რომ არ ხორციელდება იურიდიული პირის რეორგანიზაცია ან ლიკვიდაცია და
- გ) ცნობა შესაბამისად უფლებამოსილი ორგანოდან რომ არ მიმდინარეობს იურიდიული პირის მიმართ გადახდისუუნარობის საქმის წარმოება.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტის მიერ უნდა მოხდეს შემსყიდველი ორგანიზაციის მოთხოვნით გათვალისწინებულ გონივრულ ვადაში არაუგვიანეს ხუთი დღისა მოთხოვნიდან.

საკვალიფიკაციო მოთხოვნების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს სატენდერო წინადადებების მიღების ეტაპის დაწყების შემდეგ.

3. ტექნიკური დავალება, მიწოდების ვადები, ადგილი, სატენდერო წინადადების ფასის გაანგარიშება, ანგარიშსწორების პირობები (ხელშეკრულების სავალდებულო პირობები)

3.1. შესასყიდი ობიექტის დასახელება, აღწერილობა, რაოდენობა

3.1.1. წინამდებარე სატენდერო დოკუმენტაცია ითვალისწინებს 53 სხვადასხვა დასახელების საკანელარიო საქონლის შესყიდვას, შემსყიდველი ორგანიზაციის მოთხოვნის საფუძველზე და შესაბამისად.

3.1.2. შესასყიდი საქონლის დასახელებები და მათი რაოდენობები განისაზღვრება სატენდერო დოკუმენტაციის დანართი №1-ით (ფასთა ცხრილის ფორმა).

3.1.3. ყოველ ჯერზე მისაწოდებელი საქონლის დასახელებები და რაოდენობები განისაზღვრება შემსყიდველი ორგანიზაციის შესაბამისი წერილობითი მოთხოვნით.

3.1.3. შესასყიდი ყოველი დასახელების საქონლის ხარისხობრივი პარამეტრები უნდა შეესაბამებოდეს საყოველთაოდ აღიარებული საერთაშორისო სტანდარტებს.

3.2. შესასყიდი ობიექტის მიწოდების ვადა და ადგილი

3.2.1. შესყიდვის ობიექტის მიწოდება განხორციელდება ნაწილ-ნაწილ, შემსყიდველი ორგანიზაციის ყოველი მოთხოვნიდან 3 სამუშაო დღეში, ხელშეკრულების ძალაში შესვლიდან 2013 წლის 31 დეკემბრის ჩათვლით.

3.2.2. შესყიდვის ობიექტის მიწოდების ადგილია ქ.თბილისი, წმ. ნიკოლოზის/ნ.ჩხეიძის №2.

3.3. შესყიდვის ობიექტის ღირებულების გაანგარიშება:

პრეტენდენტის მიერ წარმოდგენილი სატენდერო წინადადების ფასი უნდა დაანგარიშდეს სატენდერო დოკუმენტაციის დანართი №1-ში მოცემული ფასთა ცხრილის ფორმის შესაბამისად და თვით საქონლის ღირებულების გარდა უნდა ითვალისწინებდეს შესყიდვის ობიექტის მიწოდებისთვის საჭირო ყველა ხარჯს და საგადასახადო კოდექსით მიმწოდებლისთვის დადგენილ ყველა გადასახადს.

3.4. ანგარიშსწორების სავალდებულო პირობები

მიმწოდებელს აუნაზღაურდება შემსყიდველი ორგანიზაციის ყოველი მოთხოვნის საფუძველზე მიწოდებული შესყიდვის ობიექტის ღირებულება, შესაბამისი მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელია), მიღება-ჩაბარების აქტის გაფორმებიდან 15 დღის ვადაში.

4 პრეტენდენტის მიერ წარმოსადგენი ტექნიკური დოკუმენტაცია

4.1. პრეტენდენტმა უნდა წარმოადგინოს ფასთა ცხრილი სატენდერო დოკუმენტაციის დანართი №1-ში მოცემული ფასთა ცხრილის ფორმით და მის შესაბამისად.

4.3. პრეტენდენტმა უნდა წარმოადგინოს ინფორმაცია პრეტენდენტი მეწარმე სუბიექტის სამართლებრივ-ორგანიზაციული ფორმის, ხელმძღვანელობის უფლების მქონე პირის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის შესახებ.

4.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

- პრეტენდენტს არ აქვს უფლება წარმოადგინოს ალტერნატიული წინადადება.

5. ნიმუშის მოთხოვნა

5.1. ყველაზე დაბალი ფასის სატენდერო წინადადებისა და სატენდერო განცხადებითა და სატენდერო დოკუმენტაციით გათვალისწინებული მოთხოვნების შესაბამისი (რაც ღვინდება სატენდერო კომისიის გადაწყვეტილებით) ტექნიკური დოკუმენტაციის მქონე პრეტენდენტი ვალდებულია წარადგინოს შემსყიდველ ორგანიზაციაში მის მიერ ტექნიკური დოკუმენტაციით შეთავაზებული ყველა დასახელების საქონლის თითო-თითო ეგზემპლარი, ნიმუშების სახით, შემსყიდველი ორგანიზაციის სათანადო მოთხოვნიდან 2 დღეში.

5.2. თუ წარმოდგენილი ნიმუშები შეესაბამება პრეტენდენტის მიერ წარმოდგენილ ტექნიკურ დოკუმენტაციასა და სატენდერო დოკუმენტაციით გათვალისწინებულ მოთხოვნებს (რაც ღვინდება სატენდერო კომისიის გადაწყვეტილებით), შემსყიდველი ორგანიზაცია მოითხოვს საკვალიფიკაციო მონაცემების დამადასტურებელი დოკუმენტების წარდგენას.

დამატებითი ინფორმაცია

სატენდერო კომისია საკუთარი ინიციატივით ან ტენდერში მონაწილეობის მსურველის წერილობითი თხოვნით აზუსტებს ტენდერთან დაკავშირებულ ინფორმაციას სატენდერო წინადადებების მიღების დაწყებამდე.

ტენდერში მონაწილეობის მსურველთ ტენდერთან დაკავშირებული ინფორმაციის დაზუსტების მოთხოვნის უფლება აქვთ სატენდერო წინადადებების მიღების დაწყებამდე.

სატენდერო დოკუმენტაციასთან დაკავშირებით დამატებითი ინფორმაციის მიღება პრეტენდენტს შეუძლია სატენდერო კომისიის აპარატში, მისამართზე: ქ. თბილისი წმინდა ნიკოლოზის/ნ. ჩხეიძის ქ. №2 (საჯარო რეესტრის ეროვნული სააგენტო). ტელეფონი: 910517 შიდა-7058 საკონტაქტო პირი – შესყიდვების სამსახურის იურისტი - თენგიზ ჯუღელი

ფასთა ცხრილის ფორმა

	საქონლის დასახელება	განზომილების ერთეული	რაოდენობა	ერთეულის ღირებულება	საერთო ღირებულება	წარმოშობის ქვეყანა მწარმოებელი
1	2	2	3	4	5	6
1	კალამი მელანის(ტუმის) სხვადასხვა ფერის	ცალი	519			
2	კალამი ბურთულიანი სხვადასხვა ფერის	ცალი	7077			
3	კალამი სამაგრიანი სხვადასხვა ფერის (დასადგმელი, ზამბარიანი, ჯაჭვით)	ცალი	510			
4	გრაფიტის ფანქარი ჩვეულებრივი	ცალი	1355			
5	სახაზავი პლასტმასის	ცალი	120			
6	დაფის მარკერი სხვადასხვა ფერის	ცალი	95			
7	დისკის ე.წ. "პერმანენტ" მარკერი სხვადასხვა ფერის	ცალი	52			
8	ჩვეულებრივი ე.წ. ტექსტ მარკერი სხვადასხვა ფერის	ცალი	1202			

9	საკანცელარიო ჯამი პლასტმასის ერთგანყოფილებიანი	ცალი	416			
10	ანტისტეპლერი	ცალი	440			
11	სტეპლერი დიდი 24/6	ცალი	426			
12	ბეჭდის მელანი სხვადასხვა ფერი მინიმუმ 28 მლგ- იანი	ცალი	160			
13	ორგანიზერი (მეტალის)	ცალი	172			
14	საკანცელარიო დანა დიდი	ცალი	100			
15	მაკრატელი	ცალი	234			
16	ფაილი გამჭვირვალე ფორმატი ა4 100 ცალიანი	შეკვრა	9956			
17	წებო მშრალი საოფისე არანაკლებ 15 მლგ.	ცალი	560			
18	სტეპლერის სკობი (ტყვია №10 პატარა)	შეკვრა	835			

19	სტეპლურის სკოზი (ტყვია) დიდი 24/6	შეკვრა	4054			
20	ქაღალდის ჩასანიშნი სხვადასხვა ფერი 84*84მმ 500 ცალიანი	შეკვრა	2120			
21	კლიბი (სარჭი)სხვადასხვა ზომის	ცალი	1762			
22	ქაღალდის ჩასანიშნი სხვადასხვა ფერი 76*76მმ 100 ცალიანი	შეკვრა	1393			
23	პლასტიკური სწრაფჩამკერი ა4	ცალი	11208			
24	ჩვეულებრივი (დია) ბაინდერი აწყობილი	ცალი	19540			
25	კორექტორი ბურთულიანი "კალმისტარი"	ცალი	798			
26	დახურული ბაინდერი	ცალი	267			
27	დიდი დაფა ბორბ. დასადგმელით 200*120სმ	ცალი	1			

28	კონვერტი დიდი ა4 (22*31სმ)	ცალი	19510			
29	კონვერტი საშუალო ა5 (16*23სმ)	ცალი	4790			
30	ლეიბლი სხვადასხვა ზომის	შეკერა	20			
31	კედლის კალენდარი 2013-2014 წლის	ცალი	100			
32	დაფა ხელის საწერი ორმხრივი ე.წ. სამდივნო ტყავის	ცალი	50			
33	ნაგვის ურნა	ცალი	163			
34	სამაგიდე კალენდარი 2013- 2014 წლების	ცალი	300			
35	რეზინის (ფულის, რუქების) შესაკრავი უმალესი ხარისხის	შეკერა	10			
36	ბლოკნოტი ყოველდღიური 2013 წლის კალენდარით ა5	ცალი	300			
37	ბლოკნოტი დიდი ზამბარიანი ა4 100 გვ	ცალი	169			

38	სავიზიტე ბარათების ბლოკნოტი	ცალი	5			
39	საკანცელარიო ლენტი	ცალი	6			
40	კალკა ა4	ცალი	4550			
41	კომპიუტერის სველი საწმენდი ქაღალდი	ცალი	100			
42	საბუთების ჩანთა	ცალი	20			
43	ჩანთა ნოუტბუქის	ცალი	10			
44	სათლელი	ცალი	20			
45	მაგნიტური დაფის საშლელი	ცალი	15			
46	ჭიკარტი 100-იანი მეტალის	შეკვრა	49			
47	კალკულატორი	ცალი	9			

48	სკოჩი პატარა	ცალი	134			
49	პლოტერის ქაღალდი ა-0	რულონი	15			
50	პლოტერის ქაღალდი ა-0+	რულონი	23			
51	ფოტოქაღალდი ა-4 ფორმატის, შეკვრა	ცალი	9			
52	პლოტერის ფოტოქაღალდი ა-0 ფორმატის	რულონი	5			
53	პლოტერის ფოტოქაღალდი ა-0+ ფორმატის	ცალი	5			
	ჯამი					

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის მე-3 თავით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

ქ.თბილისი

წ.

იმის გათვალისწინებით რომ, შემსყიდველი ორგანიზაციის მიერ ბეჭდების და შტამპების შესყიდვაზე გამოცხადებულ ელექტრონულ ტენდერში გაიმარჯვა ----- სატენდერო წინადადებამ,

აღნიშული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო, (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), მისი დირექტორის ----- სახით, ვხელმძღვანელობთ რა სახელმწიფო შესყიდვების შესახებ საქართველოს კანონის და საქართველოში მოქმედი სხვა კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. ხელშეკრულების საგანია საქონლის (შემდგომში – შესყიდვის ობიექტი) შესყიდვა.
- 1.2. შესყიდვის ობიექტს წარმოადგენს სხვადასხვა დასახელების საკანცელარიო საქონელი, რომელსაც მიმწოდებელი მიაწვდის ნაწილ-ნაწილ შემსყიდველი ორგანიზაციის მოთხოვნის საფუძველზე და შესაბამისად.
- 1.3. შესასყიდი საქონლის დასახელებები და მახასიათებლები მოცემულია მიმწოდებლის მიერ წარმოდგენილ ფასთა ცხრილში, რომელიც დანართი №1-ის სახით თან ერთვის ხელშეკრულებას და წარმოადგენს მის განუყოფელ ნაწილს.
- 1.4. ყოველ ჯერზე მისაწოდებელი საქონლის დასახელებები და რაოდენობები განისაზღვრება შემსყიდველი ორგანიზაციის შესაბამისი წერილობითი მოთხოვნით.

2. შესყიდვის ობიექტის ღირებულება

შესყიდვის ობიექტის საერთო ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად და შეადგენს ----- (-----) ლარს, საქართველოს კანონმდებლობით მიმწოდებლისთვის დადგენილი ყველა გადასახადის გათვალისწინებით, დღგ-ს ჩათვლით.

3. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება განხორციელდება ნაწილ-ნაწილ, ხელშეკრულების მოქმედების მთელი დროის განმავლობაში, შემსყიდველი ორგანიზაციის ყოველი მოთხოვნიდან 3 სამუშაო დღეში.

3.2. შესყიდვის ობიექტის მიწოდების ადგილია ქ. თბილისი, წმ. ნიკოლოზის/ნ.ჩხეიძის ქ. №2.

4. შესყიდვის ობიექტის მიღება-ჩაბარების წესი

4.1. შესყიდვის ობიექტის მიწოდებული ყოველი ნაწილი ჩაითვლება მიღებულად შემსყიდველი ორგანიზაციის მიერ მისი მიღების შემდეგ, რაც გაფორმდება მხარეთა მიერ სათანადო წესით გაფორმებული შესაბამისი მიღება-ჩაბარების აქტით.

4.2. შემსყიდველ ორგანიზაციას უფლება აქვს არ მიიღოს მიმწოდებლის მიერ მიწოდებული საქონელი თუ ის ზუსტად არ შეესაბამება ხელშეკრულებით გათვალისწინებულ პირობებს და წარმოდგენილ ნიმუშს.

5. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. მიმწოდებელს აუნაზღაურდება შემსყიდველი ორგანიზაციის ყოველი მოთხოვნის საფუძველზე მიწოდებული შესყიდვის ობიექტის ღირებულება შესაბამისი მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადაიხდელია), მიღება-ჩაბარების აქტის გაფორმებიდან 15 დღის ვადაში.

5.3. ანაზღაურების ადგილია ქ.თბილისი.

6. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესყიდვის ობიექტის ღირებულება;

6.3. შემსყიდველ ორგანიზაციას უფლება აქვს:

6.3.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

6.3.2. მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

6.4.2. შესაბამისი შეტყობინების შემთხვევაში დროულად აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯების გაწევის გარეშე, წუნდებული საქონლის ან მისი ნაწილის გამოცვლის გზით;

6.4.3. შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;

6.5. მიმწოდებელს უფლება აქვს მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7. ხელშეკრულების ინსპექტირების პირობები

ხელშეკრულების შესრულებაზე ინსპექტირებას განახორციელებს შემსყიდველი ორგანიზაციის თანამშრომელი.

8. გარანტია

მიწოდებული საქონლის ხარისხობრივი პარამეტრები უნდა შეესაბამებოდეს საყოველთაოდ აღიარებული საერთაშორისო სტანდარტებს.

9. მხარეთა პასუხისმგებლობა ხელშეკრულების პირობების დარღვევისას

9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

9.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს მის მიერ ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების შესრულებისათვის.

9.3 ხელშეკრულების ერთი მხარის მიერ დამატებით ვადაში ვალდებულების შეუსრულებლობის შემთხვევაში, მეორე მხარეს უფლება აქვს ცალმხრივად ვადად შეწყვიტოს ხელშეკრულების მოქმედება.

9.4. მიმწოდებელს, მის მიერ ხელშეკრულების 3.1. პუნქტით გათვალისწინებული ვადის გადაცილების შემთხვევაში, დაეკისრება პირგასამტეხლო ყოველ გადაგადაცილებულ დღეზე შესაბამისი გადაგადაცილებული ვალდებულების შესრულების ღირებულების 0.3 პროცენტის ოდენობით.

9.5. შემსყიდველ ორგანიზაციას, მის მიერ ანგარიშსწორების ვადის გადაცილების შემთხვევაში, დაეკისრება პირგასამტეხლო ყოველ გადაგადაცილებულ დღეზე შესაბამისი გადაუხდელი თანხის 0.3 პროცენტის ოდენობით.

9.6. თუ შესყიდვის ობიექტის მიწოდების ვადის გადაცილებისთვის მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების საერთო ღირებულების 3 (სამი) პროცენტს, შემსყიდველ ორგანიზაციას უფლება აქვს ცალმხრივად შეწყვიტოს ხელშეკრულების მოქმედება და მოსთხოვოს მიმწოდებელს ხელშეკრულების შეწყვეტის დროისთვის დაგროვებული პირგასამტეხლოს საერთო თანხის გადახდა.

10. ფორს-მაჟორული სიტუაციები

10.1. მხარეები პასუხისმგებელნი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე სხვა წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

10.3. თუ ფორს-მაჟორული გარემოებების გამო სახეზეა მხარის მიერ ვალდებულების შესრულების დროებითი შეუძლებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შესრულების დროებითი შეუძლებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების გადადებაზე შესაბამისი ხანგრძლივობით, მხარეებს უფლება აქვთ შეწყვიტონ ხელშეკრულების მოქმედება.

11. ხელშეკრულების პირობების გადასინჯვა

11.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით

გათვალისწინებული შემთხვევებისა. ამ შემთხვევებშიც ხელშეკრულების საერთო ღირებულება შეიძლება გაიზარდოს ხელშეკრულების ღირებულების 10 პროცენტის ფარგლებში.

11.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება, ამ მუხლის 11.1. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით გაფორმებული შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების მოქმედების ვადა

ხელშეკრულება ძალაშია 2013 წლის ----- და მოქმედებს 2013 წლის 31 დეკემბრის ჩათვლით.

13. ხელშეკრულების მოქმედების შეწყვეტა

13.1. ხელშეკრულების მოქმედება შესაძლებელია შეწყდეს მხარეთა შეთანხმებით ან კანონმდებლობით ან/და წინამდებარე ხელშეკრულებით გათვალისწინებულ შემთხვევებში.

13.2. ხელშეკრულება შეიძლება შეწყდეს ერთი მხარის მიერ ცალმხრივად:

13.2.ა. თუ მეორე მხარე, დამატებით ვადაშიც, არ ასრულებს ან არსებითად არღვევს ხელშეკრულებით ნაკისრ ვალდებულებას.

13.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება.

13.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება ფორს-მაჟორული გარემოებების გამო შეუძლებელია დროებით და მეორე მხარე უარს ამბობს ვალდებულების შესრულების ვადის გადადებაზე შესაბამისი ხანგრძლივობით.

14. დავა და მისი გადაწყვეტის წესი

14.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

14.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტილ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

15. სხვა პირობები

15.1. ამ ხელშეკრულებით გათვალისწინებული პირობები რეგულირდება საქართველოს მოქმედი კანონმდებლობით.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

**16. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი**

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმინდა ნიკოლოზის/ნ. ჩხეიძის ქ.№2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი,
ა/ა№-----, ბ/კBAGAGE22, ს/კ №202238621

შესყიდვების სამსახურის უფროსი

ლ. მერაბიშვილი

მიმწოდებელი:

შპს „-----“

უფლებამოსილი წარმომადგენლის სახელი და გვარი:

მისამართი: საბანკო რეკვიზიტები: სს“-----“, ა/ა№-----, ბ/კ; ს/კ

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.